

隨

山

館

猥

稟

龍山館猥藁卷之十

山陰 汪 琬 玉泉

詩癸

元旦喜晴

以下癸未

正旦逢晴日殊鄉老客星時和人語樂春好旅愁醒南
國猶蓬累東風自草亭山妻治歲酒相與祝延齡

早春卽事

試鐙風軟畫簾垂坐對茶煙感鬢絲酒意欠寒花欠煖
最無聊賴早春時

喜雨

屈指十餘月都無三日霖
憂時量吏事望澤野農心
何意山雲合居然海國陰
茅檐聽清響卽事一微吟

枕上聞雨口占

夢回布衾寒雨意暗溪屋瓦溝
甫作聲簷溜遽如瀑窗
鐙眩微紅圍卉想新綠更喜北牆陰
剛栽數竿竹

江樓望雨

天闊霧漫漫高樓獨倚闌
濤聲春挾雨海氣晝生寒
簾
笠田家急颿檣水國寬
招提知不遠林際出旛竿

簡伯時

浮雲冉冉流水波潏潏雲氣固待族水波或分津人
生重交舊締結良有因行藏偶離合道義無緇磷念君
久沿牒于役障海濱三年勞夢思一見融心神願茲會
合難彌覬輟迹親奈何抱微疾談讌遲永申猶幸接衡
宇初不隔城閨道存迹無勝聲應響自臻願言增大雅
相與占同人蓬舍月當夕藥欄花及春儻有經過便勿
辭還往頻

江樓夜起

并序

四月十八夜小集江樓客去獨眠苦不成寐起看窗月
已西斜矣樓臨珠江推窗俯視颿檣燈火遠近明滅於
空濛煙水中微聞簫聲從風而來光景清絕顧念江干
靜夜此景不乏少壯時高樓縱飲倦榻酣眠往往失於
賞會意有所感因成此詩明日當以示同集諸君子也
夜靜樓空氣聞寥長檠相對亦無聊涼多西水將平岸
時西江水漲土
人謂之西水 夢醒南風欲上潮照影依然珠海月飛
聲何處玉人簫歡場回首渾無賴酒罷歌闌又一宵

讀宋史神宗本紀

曾聞玉斧畫先朝底事神孫氣轉驕保甲法嚴空赤籍
單丁役重況青苗尚營秦鳳規西夏更望句驪拒北遼
自是荆舒解謀國傷人那獨舉王韶

次韻虛谷詠懷之作

一室自局促方寸營九州百年亦瞬息姓字希千秋言
夸類成妄志大理不讎何若鄉園居耕桑爲身謀餘閒
展書史本計資田疇得此良已足外此君焉求

原作

會稽 賈景方 虛谷

託家久京國近始歸越州南北四十年晚臥鄉山秋

發轍陳我書丹黃躬校讐此邦多秔稻朝夕亦易謀
無書上北闕有事從西疇茫茫身後名韋布其可求

晚春集鏡塘園亭戲成短歌

銀鑿落金叵羅風吹酒面生微波春光九十去大半此
閒尙覺東風多花前越女揚修蛾箏聲錯雜簫聲和夕
陽已下月初上更傾綠螳掛紅螺長歌旣罷續短歌勸
客莫惜朱顏酡君不見花濃已是暮春者月好將如良
夜何

晚涼二首

片時疎雨片時晴
雨後微涼忽忽生
應是野塘新水足
晚來添得亂蛙聲

紅蕉花影正迷離
院落昏黃月一眉
認得撲簾蝙蝠小
飛來剛是上鐙時

曉起

立秋前五日

雨聲破曉不成夢
秋氣無端來感人
一種微涼最先覺
藕花風裏岸紗巾

暮秋寄玉仲陵水

越井岡前蔓草黃
西風天末遠相望
故人夢隔滄溟月

旅舍秋深碧樹霜
半世奇懷消簿領
百年左計悔詞章
傭書沿牒俱無俚
擘鏡愁君鬢亦蒼

朔風 九月二十六夜

朔風起中夜
木葉下重城
霜雪天涯信
波濤海上聲
擁衾人不寐
撫劍意難平
更遣譙樓角
催寒向五更

沈吟

一劍慨孤寄
七絃懷賞音
青衫知己淚
白髮旅人心
落葉寒相警
涼花夕自陰
海東舊明月
回望足沈吟

晚過城西二首

古道少人迹蒼然生夕陰城低衰草合寺僻暝煙深
數椽老樹根破屋傍荒堞日落疑有人風聲走枯葉

寒雨閉門率成長句

瓦溝徹夜聲潺潺曉來不見牆頭山前邨霧重楓葉暗
間門泥溼莓苔斑三冬由來足晴霽一雨頓爾成嚴寒
我時匡坐煨榾柮不聞剝啄來柴關此邦夙昔號都會
閭閻生計今艱難饔飧不繼衣褐薄往往窮巷聞愁歎
我雖侘傺託羈旅布裘糲食粗便安年衰於世百無補
念此得弗辭其顏晚來欲出還復止門前沙路無時乾

惟聞米價漸增長南鄰富賈歌聲歡

冬日登鎮海樓短歌

層樓高壓呼鸞道清晝憑闌日杲杲城北人家萬瓦齊
嶺南天氣三冬好何事登臨意悵然扶胥口外水如天
朔風旌旆一作鼓角連江戍極浦颿檣異域船

冬夜憶菊坡精舍梅花

誰伴梅花住空山夜悄然難忘舊時月已過小寒天石
瘦松相倚苔深鶴不眠羅浮亦只尺詩夢若爲圓

消息

十一月作

待寫青詞上玉晨王昌消息苦難真偷將鸚舌空傳語
生就蛾眉不讓人註籍可能儕北燭關牆偏又住東鄰
花釵寶鈿莊嚴極終是輕盈掌上身

積陰

朔風吹不散奈此積陰何已識葭灰動難回黍谷和深
叢饒虎兇大壑隱蛟鼉短布單衣客微聞扣角歌

舟夜寄伯熙

伯熙自山右歸復有桂林之行買舟送之既別而雨作夜不成寐因

寄此詩

津鼓暮迢迢旗亭酒漸消故人重此別離思又今宵江

煖殘冬兩舟喧半夜潮知君同不寐篷響聽飄蕭

日來晴煖已有春意

旅遊久客服嶺南嶺南氣候粗能諳冬日每如春日煖
不許春光來稍緩咸豐以來二十年歲時寒暑多變遷
布裘父老擁鑪坐頗訝冬煖非從前比年風氣欣如舊
屈指三冬足晴晝過來長至甫蒹旬已見桃花小紅透
野夫於此有所思私願區區人不知願得年年臘半見
春色長似道光全盛時

歲除日偶成

屠蘇小飲意欣然好是輕寒薄煖天
臺省相娛無事日
閭閻私祝太平年
自緣久旅懷鄉俗敢厭貧居近市廛
一笑東風來儘煖老梅花已得春先

元日

以下甲申

年年逢上日往往賦新詩
吟思還如昔韶華又一時
風多簾幙耐春煖酒杯知應被梅花笑
新來得句遲

人日坐雨寄伯熙

不作登高賦風光暗越臺
人如山意倦春趁雨聲來

次日

立春
茅屋酒初熟草堂花正開
憐君歸未得虛有道衡才

附端州客次得穀翁人日見寄詩次韻奉會

仁和徐昶伯熙

春寒連越嶠春色澹崧臺但見南雲暗都無北雁來
客裝孤劍共旅邸尺書開重負題詩意飄零媿不才

春陰

黯黯青山晚荒荒白日陰一寒欺病骨萬感入羈心風

挾江潮急雲藏海島深畸人方辟世何計得相尋

伯熙書云

歲暮遊頂湖寺僧言有老人居山中數十年不與人接
聞至山下以藥物易鹽米有見之者狀貌常如五六十
許人殆有道之士也伯熙欲訪之問其處距寺
尚三十餘里天寒道險覓導者不可得乃止

春風

春風定何自忽到天一涯今晨氣微和開我窗前花晴
光照庭宇香影相交加蜂聲僅三兩亦復靜不譁我持
一尊酒盡拓六扇紗酒波與花影煊轉成流霞此邦號
都會亭館紛穠華一笑謝春風何緣來我家

早春卽事二首

風作微暄雨作寒慣從鄰院借花看貧家春色由來淺
不費金錢買牡丹

冷看春風亦世情吹花擘柳太忙生剛從里巷收銚事

又向園林送雨聲

戲擬唐人豔詞四首

陽作同心結，眞成半面妝。東堂有消息，不許報王昌。

語隱芙蓉日，胎含豆蔻時。生防同伴覺，爭

一作偏

遣侍兒

知

柳拂雕櫳晚，花藏繡幙春。妝成深揜抑，鸚鵡解窺人。
宿粉闌雙臉，新圖仿十眉。未應都不解，祇是薄微之。

春日東園絕句四首

柳外微陰畫不成，到無人處傍花行。苔痕綠徧樓西路，

一晌春寒黯黯生

畫閣塵多戶半開
赤闌干畔小低回
空梁舊壘都無恙
幾日春分燕子來

秋干庭院畫沈沈
寒入花枝意不禁
何事東風無氣力
泥人猶自作春陰

飛紅如雨撲簾鉤
鈴索風低夜不收
一種園林春正好
旁人偏要替花愁

擬唐人貧女詩

小箔紅蠶亦耐飢
流黃辛苦復何辭
夜繙線帖燈無賴

曉謝鉛華鏡未知
告語幾曾煩鵙鳥
勝人翻自悔蛾眉
年年冷伴梅花住
誰見天寒倚竹時

寒雨感懷

容易光陰逼禁煙
客衣猶未卸吳綿
春寒忽忽連三月
花事怱怱又一年
舍北尋常添野水
瀼東何處覓山田
冷吟閒醉渾無賴
剩有清愁到酒邊

放歌示伯熙

酌美酒登高臺
春風浩浩從天來
不知春風定何物
能使千樹萬樹繁
花開花時一相見
乃在天之涯
人生所

貴行胸懷名高當世亦徒爾我思古人安在哉且歌一
曲進一杯爲君歌飲君酒幾日少年成白首俗人共笑
鳳麟飢奇士乃多牛馬走博徒酒徒中有人試問若曹
識之否風塵物色今則無慷慨悲歌我何有我欲登天
門沈沈金鑰深九關我欲求神仙蓬萊方丈阻絕非人
寰抗塵走俗已無謂何況斯世多憂患不如招白雲相
與棲碧山不然一艇一釣竿谿風澗月亦足供往還武
陵華陽在人世且將老我白石清泉間

三月十三日大風驟寒慨然有作

計日臨南陸非時訝北風客愁孤旅外春氣積陰中庭
草縱橫綠林花黯澹紅寒暄豈無定造化若爲功果使
冰霜盛能令瘴癘空野夫茅屋破甘作杜陵翁

立夏日作

紀時已云夏南裔猶餘寒中人輒歎噓風氣能爲患舒
慘與時乖陰陽橫去聲相干足知服領表氣候殊中原靈

霖況旬日道路無時乾出門寡所詣閉戶增永歎此時
坐愁思紛若干萬端見人欲告語又復無可言嗟哉韋
布士身賤鬻已斑天時與人事此感徒漫漫

池亭夜坐

蚓號苔罅砌無月
蛤吠草根池有風
雨氣乍收天乍煖
袂衣人坐水亭中

入夏後時復陰雨
夏至已過都無暑
氣嶺南所罕有也

嶺外熱常早今年何太遲
多應逢閏月兼復少晴時
庭竹雖多活田苗恐未宜
陰陽有消長衰朽媿無知

夜雨枕上口占

忽忽生秋意
疏疏聽雨聲
暗窗燈一穗
深巷柝三更
身

老涼先覺心閒夢易成明朝須早起山色看新晴

移寓城西遣懷四首

偶賃城西屋仍看舍北山入林知地僻泊宅慨時艱老
覬吟身健愁增短鬢斑邨深少輿馬差幸足蕭閒

妄意辭書幣閒身樂簡編云何勞轉徙不暇計安便緬
邈中山酒虛無下濫田生平足憂患況復迫衰年

曳杖秋塍外尋詩夕靄中客懷聊自遣野興與誰同蛤
吠荒陂水鳥嘯老樹風柴門歸路近祇在石橋東

去住渾無定行藏轉自疑事殊黃鵠舉意與白雲遲老

驥思千里寒雅戀一枝吾懷別有在梁卯未應知

野眺暮歸

菰蒲欹側積水清楓林匝市層陰生道旁老樹學人立
枯葉颭風時有聲野曠天低恐行客暗徑歸來水邨多
豆籬西角月微明照見涼煙幾絲碧

九月二十日復還故居卽事成詠

是日立冬

輕裝往返太恩恩輓迹從敎笑轉蓬曾是移家句漏令
依然作客杜陵翁天寒茗椀薰鑪畔人老蘆簾紙閣中
尙有區區私願在海疆無事歲年豐

十三兄有永安之行阻之不可詩以送之

兄弟俱頭白別離何太頻都非少年日還作遠遊人征
路荒孤驛寒潮急去津臨岐置尊酒願得小逡巡

讀自然好學齋詩集書後

應自華嚴法界來萬花齊向筆端開生慳翠羽雙棲福
天賦蛾眉一代才傳世果能畱玉札成仙何必住瑤臺
旁觀錯擬壘陽子弔鳳嘯鵲志可哀

送文芸閣孝廉

廷式

泛海入都

我昔少年日掉鞅翰墨場委懷託油素結納多老蒼中

歲交遊半湖海類矜氣節能文章卅年感舊漸零落眼
明忽見文家郎文郎逸氣陵秋顥弱冠揮毫富華藻人
言謝朓膏腴盛我識蘇端名舉阜南武亭前數往還攷
古論文互傾倒偶聞雄辨驚四筵使我欣然不知老老
人邇日無好懷見君磊落胸爲開束書告別何太遽修
途直指黃金臺湖海昔嘗邁知己乾坤今豈無奇才衰
年良友不易得念此未免中心摧方今寰海猶多事
明詔求賢語深至會呼鷹隼擊高秋冑使麒麟走平地
看花一日自有期汗竹千秋詎無意榮時未可薄功名

報

國非徒在文字樽桑日照海上霞送君遠泛滄溟槎臨
觴片語欲持贈願以秋實涵春華蓺林一代文學傳喬
木百年忠孝家君祖叔來太守列難嘉應君父樹
臣觀察以孝廉從軍殺賊復讐要知
側身北望意無盡尙有故人白髮天之涯

冬日出郊書所見

蒼莽郊原古蕭條朔氣凝沙平盤怒馬風急磨飢騰醒
酒寒無那彎弧老不勝何來年少子鞭弭意飛騰

立春後陰雨連日賦此簡金粟香蓮同

武祥

春深無賴甚如畫
登樓臺簾薄餘寒重
廊深細雨來年
光催疊鼓人意倦
銜杯昨招飲未赴
倘有衝泥客柴門近午
開

元旦用王中韻

以下乙酉

雲護熹微日風酥浩蕩春
貞符占泰乙協氣驗端辰
比戶鴻庥札交衢燕賀人
歡呼看童穉頭上彩幡新

春感

南方一月紛愁霖
雨或少止天多陰
當晝常疑白日暮
嚴寒不覺青春深
蕭條豈必豫人事
寥落頗能傷客心

北望舟山接秦望鄉關回首幾沈吟

喜聞官軍二月十三日諒山之捷

百雉嚴城一戰收滄溟萬里洗邊愁威棱銅柱高前古
形勢金潏控上游雲氣遙瞻天北極春風應徧日南州
飛傳吉語

通明殿眞見功名定遠侯

簡徐伯生上舍

紹植

日出朝氣清池暄水痕碧春風快時晴花鳥共怡懌青
垂樹交蔭綠潤苔如積敲門惜流光開徑遲佳客所思

城北人近賃道南宅築月宮經過微言永今夕

書事四首

并序

法蘭西屢敗乞和

朝廷許之款議旣定

詔至廣州海防解嚴時光緒十一年夏五月也

薄海遵

明詔因時顯戰功前鋒紛破敵長策愼和戎露布三軍
喜雲飄萬里通懷柔今日事不與漢唐同

轉戰龍編遠長征虎旅勞叢山嬰瘡瘍大海狎波濤沒

勝庚鈴瑟酬庸甲第高會看開

紫閣圖書颯弓刀

此地兼山海周防有歲年市租歸幙府權算徧園廛數
正牢盆筭傷微閒架錢如聞臺省語民氣未蕭然

鴻雁郊原苦

時嶺表久雨郡邑多被水

鯨鯢渤海寬苗年民事亟平

世將才難豈必憂侵軼端宜策治安由來丁

盛際患氣詎能干

夏日曉起

竹樹交清陰微風颯然至室靜生曉涼廊空召秋氣從

來慕清曠泉石心所寄無端墮世網忽忽成左計徒懷
天際想久負林下契幸此片時閒塵勞且姑置

栗香餉宜興茗壺賸以餅茶賦詩爲謝

坐窗渴病愁闌暑夢想一甌如潑乳荆溪茗具忽見貽
轉惜閒身媿桑苧大彬供春無後先霽雲團月期同前
聞君家近慧山麓何日相從第二泉

幾許

幾許英靈集頻摩老眼看何人能論定此事信才難海
闊明珠少山深古瑟寒如聞嗽名客相率走長安

放懷

俗事少稱意長歌聊放懷祇應住愚谷未敢號乖厓來
往花間蜨喧闌草際蛙蕭然忘視聽一醉且茅柴

秋夜看月漫成

霽月將圓夜清秋未老時添衣忘坐久醒酒任眠遲遠
想滄溟靜從教白露滋陰晴占萬里流照本無私

晚步

城根木落路紆回門巷微陰黯不開老去漸知秋有聲
少人行處一筇來

十月五日大風驟寒慨然賦此

層城落木氣刁騷斗覺新寒逼組袍嶺表幾人憂雨雪

嶺南無雪故云

海門終古急波濤窮檐龍具誰相問俠客貂裘

故自豪愧我微吟閒褻手頗聞中澤有嘯號

十一月十六日作

前日北風天大寒絛裘乃似縑衣單今日南風天驟煖
攤飯澆書便老嬾嶺南暄令初無時冬春之際尤難知
四民月令不須問且看老梅開幾枝

鳴鶴篇贈梁節齋編修

口芬

雲中有黃鶴逸翮何翩翩高飛向蓬閭僊伯相周旋朝
飲瑤池側夕巢珠樹顛感激思一鳴振迅忘自全奇翼
雖已鍛明心終不愆因之招白雲偕以歸青田世競友
鵷鷺云胡效鷹鷂當時各有爲去聲後世知誰賢參差
昆侖舞渺邈浮邱仙謝彼青冥契養茲丹頂年此時滄
海月何許齊州煙消搖萬里遊天宇方廓然

鍾烈女詩

并序

烈女名昭姑山陰人兄雲龍官翁源礫下巡檢烈女隨
母居邨廨中會雲龍以事詣縣寇至烈女被略至邨外

空舍乘間自剄死時道光二十九年九月也

空邨破屋堆煤塵旋風牆角吹鬼燐賊徒扃戶掉臂去

此時室中餘兩人賊刀在地趣殺我癡嫗搖頭持不可

奮然起立揮霜鋒頸血熱噴燕脂紅少緩須臾可無死

志決身殲乃如此

時鄰邑婦女被略者率贖以金鄉人
士以巡檢之妹亟遣人詣賊議之而

烈女已
死矣

前生合是優曇花香冢今生女貞子

賊去鄉人
葬之樹碑

曰鍾烈
女之墓

女貞舊種稽山隅家世曹娥江上居宗支或出

唐進士名字不慚曹大家吁嗟乎竇仲孺高愍女一死

與之共千古君不見鄉人太息賊亦驚烈女死時年十

五

臘月晴煖卽事成詠

晴占冬令如春令靜惜年華驗物華海國霜遲初落葉

山園風煖漸催花蠅頭作字兼豪筆

出吳興

蠅眼分湯小

種茶

武夸茶有奇種小種諸名

一笑料量閒事了起看庭日未西斜

偶感二首

杞菊山資儉蕭蘭世論淆因人感生事知己憶貧交陸
賈從新語楊雄漫解嘲歸歟擁羣籍應許守衡茅

昔在少年日曾希後世名奈何三不朽至竟百無成瀕

海猶羣盜窮邊有成兵腐儒今白首一意祝昇平

戲爲俳體六言六首

觀弈置身局外澹書寄興尊中還我往來鷗鷺任他得失雞蟲

蝙蝠力爭晝夜蝦蟇久溷官私其間可道非道於此不知是知

炙味牛心鄭重錦文駝背模翻羣兒自相貴耳公等足與治乎

盍歸乎來里舍吾衰也久江湖不用人憐老子未妨自

號潛夫

論文得少佳趣作事不多上人黃葉稀如老友白雲間
似吟身

三杯兩杯卮酒一寸二寸池魚翛然與之相對密爾聊
以自娛

隨山館猥彙卷之十終

隨山館續集卷上

山陰 汪璵 玉泉

元日雨用壬申韻 是日立春 以下丙戌

南國偏多雨東風恰報春
三農靳樂歲百卉喜逢辰
煖酒紅爐火吟詩白髮人
醉餘看世態也似物華新

早春夜寒叔絲見過二首

樹密黑三徑客來青一鐙
風聲寒欲雨人意澹於僧
事往感今昔年衰惜友朋
益梅靜相對瘦骨共峻嶒

憶昔遊間日俱當少壯年
買花同鬧市

廣州藩司署賭
前夜有花市

酒或分筵白髮人衰矣青春事惘然祇餘懷舊感閒語
短檠前

積雨二首

竹屋春來足雨聲柴門地僻少人行山翁潦倒山童嬾
贏得莓苔到處生

細雨斜風併作寒郊原春色好誰看新來不唱花遊曲
一任光陰誤牡丹

重五日有感

有序

廣州往歲競渡珠江頗極遊觀之盛比者鄉三老以時

事有殊自爲禁約江上遂無一艘客以告余慨然賦此
珠江江上鳴鼉鼓歲歲南人作端午紛紜江草雜江花
嬉戲珠兒與珠女船旗五色各乘潮沙岸千人不知暑
爲酬節物盛遊觀更樂昇平競歌舞今來緣底忽宋寥
黃帽少年意消沮如聞人事近艱棘欲遣民風歸樸魯
禱祈碧海靜回瀾揮斥白衣罷搖舫兒童好事興猶劇
父老憂時心獨苦我時晏坐慵不出照眼榴花驚節序
清遊頗憶道光中畫舫珠簾數容與流光一去不復返
勝事百年能幾覩況今已箭結鄉社是處樓船暗江浦

閭閻舊俗多變遷似此區區何足數客夸越甲士六千
我讀楚騷篇廿五衰年感慨亦無聊且可閉門餐角黍

早秋卽事二首

向晚山光好西窗偶一開涼雲如水合疏雨送秋來徑
僻畱叢竹廊深養古苔兒童呼烏雀得食不相猜

埽葉晨炊候分茶午睡餘無能便平聲老嬾多病耐貧居

媿負登山屐閒鈔種樹書林塘如卜築應得狎樵漁

中秋對月效義山體

虛傳此夕廣寒遊舊譜霓裳未可求只尺光鄰珠海月

尋常夢遠玉京秋。秋天高詎有妖。暮蝕夜久應知顧菟愁。
下界簫聲吹不徹。幾層雲外是瓊樓。

秋旱謠

有序

自七月至於九月不雨禾傷於旱農人愁歎聞見惻然
徵謠諺爲此詩也

七月銀八月金早禾須白撞晚作要偷淋

皆廣州諺土人謂晚禾日

晚作見廣語白撞晝雨偷淋夜雨也

偷淋足晚禾熟三寸雨萬倉穀寒露

過三朝高下一齊標

二語亦廣諺高下指田言禾苗長發日標

三朝不雨傷

田苗半月不雨禾頭焦禾頭焦日當午西南風作秋暑

一唱廣州歌山農淚如雨

有感而作

層城氣忽寒日暮天多風殘陽下林木霜葉飄乾紅客
來叩柴門相見無歡悰爲言久不雨亢旱傷三農又聞
探丸輩出沒山海中弓矢獵狐狸貪狼踞深叢嚴霜夜
半結中澤號哀鴻客言未云畢百感攬吾膺憶昔當少
壯崎嶇厯兵戎妄意衰病餘民物瞻昌丰見聞竟參差
盜熾歲復凶患隱逼孤慮時艱激危衷詎爲一身計私
憂四人窮嗟哉老無用素髮垂蒙茸學言何所裨託述

方蒿蓬

閒居雜興四首

嬾著衣冠簡送迎等閒長日掩柴荆
虛廊曲曲通蘭氣
小雨疏疏雜竹聲
自擬殘年隨李廣
未妨舉世弃君平
琴歌酒賦渾拋卻
一任人嘲太俗生

不解三桀屏
七籤迂拘端合守窮閭
長箋作草晨畱墨
煖室藏花午下簾
晚歲光陰資藥石
腐儒經濟託壺鹽
量晴課雨非吾事
枰有靈棋亦嬾占

坐擁圖書未是貧
忘機聊學葛天民
已除傲糞千秋想

附山齋集
儘負昂藏七尺身老觀昇平良幸事病耽文史故癡人
年來冷伴梅花住桃李從教趁冶春

輓迹渾疑退院僧心情猶戀讀書燈稱名藝苑談何易
逐隊歡場病未能生事尙虛田二頃平居安得閣三層
成都茅屋差相類祇媿才非杜少陵

初冬衡齋見過

懶作閒居賦相看泊宅編往還無事日寥落早寒天風
色蘆簾外鄉愁茗椀邊靈均遲莫感微詠託蠻箋

元日用壬申韻

是日大雷雨

以下丁亥

寒雨不成霖驚雷豫借春

十二日立春

渾疑啟蟄候誤應履

端辰占驗固多事聲光從辟人祇看小園竹取次筍芽
新

上元夜漫成

春寒挾春雨元日至元宵僻巷稀鐙火虛堂倚酒瓢陰
雪遲解駁明月費招邀妄意朝來霽風光上柳條

積雨遣懷

經旬無客款柴門略似幽栖傍水邨久雨池魚多散子
早雷庭竹欲生孫閒貪午睡拋書卷老怯春寒泥酒尊

閒道窮檐寡衣褐此身慙媿布裘溫

初晴坐筱園水亭得四十字

半月陰寒後晴光倍可人窗紅花影午檻碧水痕春燕
似會相識鶯宜作比鄰衰年倦遊賞羌喜物華新

閒居述懷

有序

養疴伏處家食良復不易論者或謂之樂志養高詎知
衰疾敲門固非得已哉賦詩述懷聊詎知我者

閒居歲月歎侵尋抱甕忘機媿漢陰自以衰羸資藥石
敢期棲遯託山林半生錄錄無奇節千古茫茫有寸心

至竟未離城市在巖扃何處白雲深

舊事

舊事多遺忘新知簡過存移情雲海冷閒語水天昏才
短寬詩律年衰罷酒尊旁觀圖萬變一笑不須論

初夏江樓雨望

暮色千峰合重陰四野同江樓人坐雨水國晚多風榕
樹黯深黑木絲飄墜紅邨墟煙漠漠城郭霧濛濛庶彙
方萍布長羸合棧通寒暄胡不定調燮若爲功頗慮嘉
禾損兼憂蔓草豐何人稽月令此事仰天工羈旅炎荒

久頻年畏景融會當時長養冒信氣昏零倦眼登臨際
愁心悵望中回看阡陌近勞苦媿耕農

苦雨

雲氣濃如此晴羲欲透難早禾低沒水夏木暗生寒
純扇如相避縑衣故自單虛廊苔一角幾日上回欄

五月八日卽事有作

有序

曩闢一室於敝廬之西偏窓牖疏達庭多綠陰於夏日
爲宜顧與鄰家共一土牆今年鄰人治室削牆之半別
築以甌所餘厚僅數寸將有頽剝之虞不得已移筆硯

室東小屋中湫隘溼暗日長鬱蒸意頗苦之今日衡齋
見過坐甫定卽喈曰此清涼國界也余訝其言衡齋曰
子雖端居罕出詎不知十丈塵中有衣冠輿馬觸熱往
來不能自休者乎此屋固稍隘而庭有竹樹桉有茶瓜
炎曦不侵動止惟意謂之涼室詎曰不宜余聞言瞿然
因復自念數十年來奔走羈旅佐有司幕事當盛夏時
或舡舨編輿勞頓煩渴或揮汗治官文書蒲葵在側手
不暇捉以視今日爲何如耶深維老聃守雌之訓竊
味子荆苟完之意爲詩一章用以自慰亦因以自警焉

光緒丁亥端陽後三日

數本芭蕉幾竿竹中隱打頭一閒屋庭除炎景可中時
縱有濃陰不成綠我方執熱不可當客翻見謂宜相羊
黃塵赤日在門外此間十笏殊清涼我聞客言發深省
喧宋炎涼無定境從來市隱心不囂豈必山居迹方屏
杜陵昔者稱高齋開簾隱几多好懷要知華屋非無暑
得遂幽棲卽大佳

漫興

坐對青山把酒杯抱琴何許客能來得交賢達真奇福

但詡詞章卽廢才
一代人文生有數百年風會晚須開
西園東閣今無事
敢信春深未草萊

伯熙過穀庵讀余前詩次韻見贈當之

三年風雨一銜杯
難得貧交著屐來
伏處安知當世事
論文彌歎古人才
草堂地僻秋先到
蓬戶泥深晝不開
箕穎故應吾輩住
卽今廊廡足伊萊

附穀庵先生招飲見示近作次韻奉呈

仁和徐昶伯熙

相從盡上聲覆掌中杯
問字何須載酒來
早日汗青無

定論

坐客論宋史
儒林傳事

古人衣白有奇才雨多庭竹渾如

醉水淺盆蓮亦自開尙許羊求共還往蔣家三徑詎

蒿萊

爲蔣子明以誠題其先世心餘先生攜二子遊

廬山圖

圖爲朱公孝純作

昔年我讀廬山詩勢與五老爭雄奇今年我讀廬山畫
瀑布穿雲向空挂李蘇去後先生來九疊屏風雲氣開
扶杖更攜名父子題詩重見謫僊才朱公畫筆如風雨
巖瀑峰雲共飛舞妙墨傳家越百年名山與客同千古

畫卷詩篇各有神
披圖我欲問匡君
山靈面目今猶昔
可有當年蠟屐人

牽牛花

看花其奈早涼何
生翠如勻黛一螺
將欲曉時星影小
更無人處露痕多
誰家籬落相藍若
幾輩衣裳淺碧羅
自是西風好顏色
未須畫本仿宣和

夜坐

垂老知秋意無言
坐夜深林風疏葉
下廊月古苔陰
顧影棱棱骨懷人
脈脈心微涼可
證火書卷且須尋

殘暑時立秋逾月矣

殘暑已如客餘威尙逼人年光疑白露日氣炙黃塵水
竹居難覓茶瓜意自親解衣槃礴羸差不負閒身

感秋

西風幾時來落葉紛庭陰日光忽以薄秋氣忽以深讀
書斗室中四壁皆蕭森時若有所感恍然動余心所感
定何事其端復難尋秋聲滿天地秋色無古今此意當
語誰卷書一沈吟

中秋無月

上界霓裳曲人間未易聞西風定何意不寫歸浮雲

讀吳梅邨雜劇二種漫題卷後三首

閒敲象板寫烏絲合是江關歲暮時一種滄桑身世感
傷心人譜斷腸詞

莫把新聲付部頭哀絲豪竹不勝愁通天臺與臨春閣
兩處西風一例秋

才人心血苦銷磨想見尊前喚奈何白髮填詞吳祭酒
淚痕應較墨痕多

朔吹

朔吹山林急重陰水國寒亟須消瘴癘未可助波瀾華
屋笙歌煖窮檐布褐單流民圖慘澹鄭州河決災區甚
廣籌賑者續圖勸
分忍向此時看

書唐六如詩集後二首有序

子畏詩顏唐瀾漫譚藝家率多訾警然披沙見金頗有
不失騷雅者使編集時悉汰其率易無俚之作風格豈
遽出衡山天池下乎集中往往誤收他人之作如警世
八首中仁者難逢思有常一首卽
是宋人詩編集者集中詠春江花月夜七律一章當爲
固未暇深考也
武宗巡遊荒宴而作顧有憂危之意無指斥之詞怨誹

不亂殆庶幾焉因成一詩書其集後詞客有靈或以爲
異世知已歟

失職偏能達全身不諱狂浮名拋上第奇氣懾驕王蜺

蜺齋何在

蜺蜺齋見本集

桃花陽亦荒春江無限感終古墮蒼

茫

竿木隨身戲詩歌信手成黨援無七子公案有三生

程前

兩裏黃金淚公案三生白骨禪二語集凡再見當是其生平得意句也

自極狂奴態如忘

後世名祇憐棋局上心氣未全平

冬煖

晴光向午煖入檐案上凍豪時可拈卷書但覺人意嬾
掩幔頓忘風力嚴午酌一栢殊兀兀睡起南榮坐睇髮
旋安石几供梅花未用甌鑪煨楮拙如聞短褐爭負暄
城中氣煥貧家歡天時如此良可喜更祝來春休苦寒
廣州早春多寒冬
煖則春寒益甚

寒夜卽事

虛齋靜夜意翛然街鼓聲稀客未眠梅影牆東上弦月
茶香研北小寒天鑪灰盡句消今夕鐙火繙書憶少年
一笑衰孱吾自覺新來半臂益吳絛

元日曉晴用辛巳韻

以下戊子

青陽方改歲黃道正開天民氣歡新霽春華接舊年

客臘

二十三日立春綠分芳草輭紅綴小桃妍一笑吾廬隘韶光亦

滿前

午後忽雨

三微歲之始喜見天宇清晨曦照花柳春色粲已盈何
意亭午時氣候倏變更紅日忽而匿黑雲潏然生飄風
吹急雨庭樹颯有聲沮洳走邛豎尙爾紛鼓鉦從來服
領表俄頃殊陰晴元辰見膏澤或者宜春耕吾方閉戶

居不作衝泥行一觴寄閒賞亦足怡我情明朝得開霽
萬卉覩發生便擬看新綠攜壺出東城

二月十三夜枕上作

酒醒聞簷瀑輕寒忽忽生窗鎰昏雨氣街櫟溼春聲想
見青林潤應催綠野耕豐年有佳兆寤寐祝昇平

積雨遣懷

黯黯三春雨難十日晴

自初春至今四閱月中竟日無雨者合計之僅十餘日耳

山城蒸水氣沙岸走濤聲鷗鷺滄波遠蛟鼉白晝行重
陰終解駁天意自分明

感事

衣製彭城勢不殊
祈晴繁露術何如
守臣信有蘇和仲
弟子應無呂步舒
海國波濤黃木近
一作田家月令綠
秧初塢流幾許囊沙在
異日芻蕘計恐疏

伯時于役廣西近聞其訖事東還計程當至潯
梧間矣賦短歌寄之

牂柯江上南風起
別夢迢迢越千里
消息新來黃木灣
歸程應泛蒼梧水
水曲山迴憶舊遊
同治癸亥今嘗客梧州
故人

何處艤扁舟
鯉魚合寄相思字
日日江湖西向流

秋暑殊甚率成短歌

欲落不落斜陽紅疏林枯葉殘霞烘天如有意作秋暑
晚晴日日西南風微寒初不到籬菊爽籟詎復鳴窗桐
頗思入夜解煩愠喜見缺月升牆東豈知獨坐短檠暗
營營白鳥紛來攻桃笙在榻殆虛設蒲葵入握嗟無功
此邦從來號卑溼鬱蒸竟與長麻同坐令肝肺增熱惱
幾疑耳目皆昏翳須臾物愁忽有悟時序變易來無窮
但能方寸除內熱外境安得搖其中清輝少焉下庭戶
靜氣恍若生房藥土窓跂脚聊一快露下四壁聞涼蟲

讀虛谷戲和友人夢遊仙詩亦戲和之

幾許金銀夜築臺五雲閣暗列眞來琅嬛卷軸紛難理
玉女窗扉闕不開遙指青紅多海氣解談黃白卽仙才
曼都未讀塘城錄已飽流霞液一杯

秋陰野眺

高城迴望氣蕭森一片霜風十里陰篁竹夾谿山店暗
菰蒲向暝水邛深荒寒遠接郊原色搖落難爲歲暮心
近出微吟無限恨杖藜何意更登臨

秋日雨中得舒棠陔

佐堯

韶州書并見懷詩賦

禽四首

霜落巒江旅鴈來
草堂清曉一書開
故知湖海多吾輩
未信風塵老此才
遠道懷人千尺水
殊鄉望古九成臺
衡雲生處家山近
想見登臨首重回

吟徧山巔與水涯
玉窗詩就未還家
秋應有感憐桐樹

露竟無聲負桂花

今年未與秋試

元九自悲衣在篋
魏三猶欠

句籠紗文章遼海珠
滄海祇遺方人鬢
早華

寄我新詩字字工
才多豈竟以詩窮
相思庭草秋還綠
久客池蓮水不紅
燕子巢痕非舊日
鯉魚書札正涼風

東頭廨屋吾曾任旅泊情懷訝許同

賓萌老去作潛夫差幸身琴道不孤一代詩人幾河嶽

十年鏜火各江湖西窗聽雨愁多少東野爲雲事有無

但愧年衰才力退不堪泚筆序二都

時爲棠陰點定詩集欲作一序思致

鏜鏜竟不能成

十月八日晨起薄寒始有冬意

三時苦蒸溼一夕作輕寒

春夏多雨少晴秋暑尤盛又往往日中驟雨如梅黃時濕

熱鬱蒸近數十年所未有也

落葉黃如積荒苔翠未乾人情驚歲晏

天意覺晴難差喜登樓際遙山漸可看

冬晚登北城

登眺山城晚蕭條田野空寒峯落木外孤塔亂雲中虎

迹近東郭

近有虎至東門外父老謂向來所無頗以爲異

雁聲低北風如聞耆

舊語不與昔年同

次韻伯熙送符琦士

士恭

汝陽省視徂至鄭州

工次

遊子天涯欲住難一尊聊與慰離顏高堂白髮侵尋日

征路黃流蒼

去聲

茫閒北陸層陰連汝水西京舊事諳吾

山待憑家學陳三策莫惜河隄數往還

琦士之大父道光中嘗遊南河

爲諸公

上客

冬夜寄懷芸閣杭州

之子別來久相思歲漸闌西冷今夜月南國有人看文
字供羈旅江湖警早寒追隨鄉縣近歸計惜艱難

爲人題秦淮春泛圖

圖作於同治己巳

紅板橋邊柳飛花過石頭春深桃葉渡人醉木蘭舟豔
曲徵多麗香名問莫愁閨闔無事日煙月少年遊此地
曾戎壘經時復畫樓誰從歌舞夕一念戰爭秋

冬夜憶越秀山梅花

月色澹如水虛廊悄無人此是梅花時忽憶空山春
相去僅只尺初非隔城闔如何不一往顧望勞心神
冰霜有孤立松竹無比鄰不逢歲寒侶含意何由申

隨山館續藁

卷下

山陰 汪 琬 玉泉

元日用辛巳韻

以下已丑

風煖三元日雲低百越天野夫無事飲海國太平年玉

燭非難覩金旛亦自妍

元范梈詩金旛淡蕩妍

會看民氣樂還似

道光前

人日喜晴戲書二十八字

六日重陰一日晴曉來和氣徧江城兒童簫鼓喧衢巷
都作春風得意聲

新來

新來祇與懶相宜
春淺春深倦不知
流水平橋行藥處
斜風細雨看花時
閒中氣味須佳茗
老去才情賸小詩
差幸生平少機事
坐茆應免海鷗疑

積雨遣懷

陸賈城邊野色昏
越王臺畔雨翻盆
西來雲氣連山郭
東下濤聲接海門
三日霖甘猶善頌
百川瀾倒孰深論
虛傳故事黃樓記
漫遣煩憂綠酒尊

春曉雨中偶成

泥深巷曲少人行破曉微寒忽忽生一片濃陰幾絲雨
東風吹溼賣花聲

漫成四首

人生僅百年賦命多不同或仕慳一階或貴爲三公貧
或立四壁富或享萬鐘初不因賢愚適然視其逢怨咨
及健羨冰炭交心胸至竟無所得識解徒凡庸不見空
際雲高下隨天風風息雲亦散依舊靑天空

文人著述勤皆冀垂永久雖死而不亡老聃謂之壽上
者必長存下者必速朽惟居九品中難定百年後泯沒

固當然流傳乃其偶胡爲日孳孳意若有所負當由結
習深甘苦矜敝帚要之身後事寂寞亦何有縱得千載
名不如一杯酒

人情業詩書多欲求貴仕通顯而無聞自反固可恥卽
或樹功勳儼然立綱紀云將耀汗青蓋不見金紫要亦

多賢勞知止不能止因思古逸民徵聘終不起痼疾在
煙霞清音託山水豈必高尚懷思與箕穎比直恐章紱
拘妨其行樂爾

不朽德功言其人天所生二者得以立亦是天所成於

此旣不能藝術合羣計苟能湊其微亦可進乎道賢才
有寄託甄妙斯通神君看方技傳豈少非常人

春寒簡棠陰

青苔門巷盡悄悄酒半香初倦不禁燕子來遲春社過
鼠姑開晚曉寒深

想見詞人感鬢華午窗深掩一重紗綠章莫把輕陰乞
二月春晴更養花

棠陰應潮州守之招賦此送之

東風海國春千里有客恩恩具行李客舍人歌楊柳詞

江津夜長桃花水水激颿輪海上舟修程直指古瀛洲

蕉黃好謁昌黎廟榕綠還登泰定樓

郡樓頗宏倣土人言壁上故有元泰

定年中碑今不復存矣

東頭解屋吾曾住江閣開尊凡幾度儻值

青山對酒時試尋烏匱題詩處

城東有酒樓正對韓山曩嘗與客縱飲於是

先後遊鞦廿載餘天涯未用感離居相望江海兩鷗鳥

豈少風潮雙鯉魚

晚起卽事

不覺夜來雨山齋如許涼高荷浮水氣疏竹透晨光

覩養新磨墨鑪溫未燼香煙能指老眼臨取十三行

六言簡衡齋六首

清風不來元度微雨誰過蘇端祗喜溪堂午枕不曾夢
到槐安

治事客無能也論詩吾有知乎差可經營泉石詎堪標
置江湖

苦筍硬差致仕甘蕉誤被彈文儘有雞蟲得失不關鷗
鷺知聞

接輿歌鳳兮鳳威輦賦麟乎麟湖海今無豪士山林古
有畸人

未覩鵬鵬變化頗聞雞犬神仙寓言自可十九未用淮

南一編

累石替花補闕攜鉏爲竹刪繁此外不知許事諸君勿
復爲言

春日雨中過友人新闢依水園二十年前舊遊
處也賦小詩書壁上

春陰五日十日風信三番兩番偶喚鳥篷小舫來尋綠
水名園廿年人事非昔二月天時漸暄燕子似曾相識
桃花可與忘言

熱二首

地紀嗟卑溼人情苦鬱蒸誰能逃畏日直擬踴層冰
葛衣猶重蒲葵力不勝當餐愧田父流汗事溝塍
早稻甫畢卽從事犂鋤爲播種晚禾之計故六七月間農家勞最甚

向晚人彌倦將秋暑轉加南風不成雨西日更蒸霞
石榻餘藤簟盆池欠藕花招涼竟無術聊恃一甌茶

絕句

雨餘萬葉涼雲罨一星溼水榭悄無人流螢有時入

短歌

我有苦心皎若寒月欲以示人光不可掇我有文心如
雲谷舒人不得見差可自娛右立太行溟渤在左茫茫
六合我乃知我我欲長生世無神仙耿耿孤抱與爲百
年惟此百年積之萬古上有高天下有壘土

過廢園作

誰作名園記荒烟蔓草中樓深狐拜月林暗鳥呼風尙
憶經過數畹憐締構工莓苔太無賴還綠桂堂東

重過

又見香車過亭臺氣一新玉尊酣酒夜珠被看花人舊

燕愁如客流鶯喜作鄰綠蕪無恙在還得輾雕輪

有客自都門來言

今皇帝好學勤政仁慈愛民同符

聖祖此薄海內外臣民之幸也竦聽忭舞謹賦七律一

章竊比堯民擊壤之意焉

法宮高拱自

欽明都邑喧喧起頌聲四海人心依

聖主萬年天意祚

皇清自憐野老無它願祇幸餘年見太平

三祖

七宗家法在不勝感激涕縱橫

喜雨

日日炎風卷市塵西窗一雨晚涼新從教不作豐年想
響人修篁已可人

占籍番禺歲踰十稔光緒乙酉銓兒舉于鄉從
子兆鏞復於今秋獲雋儒門之喜氣先世
之餘慶也賦此以示二子並寄十三從兄

時客
英德

記寫登科喜可知一門羣從自追隨它州取解張承吉

祖德成詩謝客兒丹荔香多應寄舉紫荊花好有連枝
大羅如作霓裳詠趁取高堂健在時

秋暑甚劇戲成短歌

新涼招不來殘暑推不去黃花時節過重陽未識西風
在何處日日臨風脫角巾科頭跣足恣閒身地偏雖闕
三分水牆矮能遮十丈塵名流無復秋聲館解渴惟憑
茶七椀差幸衰頽白髮翁不曾歆羨青涼繖向午柴扉
且未開小眠齋裏小徘徊藤牀竹枕容高卧自信今無
熱客來

野望

荒堞人稀落葉深不堪蕭瑟罷登臨
風聲晚颭夫容水
霜信寒雕楓樹林海國金銀多暮氣
江關詞賦有秋心
我來陸賈城邊立一角斜陽管古今

夜深

銜鼓疏疏響易沈
空庭露下亂蛩吟
若非月到東闌側
應是無人覺夜深

讀唐人小說戲成

記曲簾前豆不紅
妓衣祇借小屏風
中庭端笏參軍在

莫費金錢募國工

題伯熙所藏虞山自書詩冊一首

拂水山莊蔓草煙
烏絲小冊尙流傳
若非心血銷難盡
輒紙爭禁二百年

裸將幾輩服周京
黨籍斯人有盛名
太息桑田滄海日
勝流無福作公卿

贈羽士陸鶴修道修

閑抱孤琴過嶺來
遊蹤住近鶴舒臺
布囊挂壁冰絃冷
好爲梅花試一開

與鶴修夜談琴事漫成四首

曾是移情碧海濤當年山水有清音成連去後鍾期死

一片煙波萬古心

中有本事

記得坡仙七字詩詩中琴裏各心期柴桑句法今寥落
名字何論賀若夷

希聲澹泊賞音難古調由來不易彈一曲未終人盡去
松花如雪下經壇

妙悟誰如研北生能言宮徵本天成直須淨洗箏琶耳
來聽山泉夜半聲

讀明史神宗紀

早歲宗臣肅紀綱中年礦使劇披猖山開寶藏供中飽
庫建瓊林兆厚亡功罪邊庭滑黑白恩讐朝野戰元黃
青宮危綴朝陽露白簡橫飛暑月霜興誦紛紜非義義
臺評顛倒不狂狂度支誰佩司農印伴食人憐政事堂
相業郭郎嗤鮑老將才呂姥與蕭娘上穹譴告天心改
率土咨嗟國脉傷金虎宮鄰幾幾日銅駝巷陌已斜陽
何須張李縱橫後始識朱明祚不長

讀晉書

辭徵勸進意浮沈

晉書本紀稱懿不欲屈節曹氏辭其

懼而就職然其後

孫操敕行者曰若復盤桓便收之乃

爐炭上邪懿曰漢

運垂終權之稱臣天人之意虞夏殷

周不以謙讓者畏

天知

命也前後不同如

此 養晦頻年計念深後嗣討曹符

石識可應真有漢家心

成濟功成晉業新夕陽亭上更逡巡家居豈是織兒壞

典午興亡此一人

兒童爭唱白銅鞮騎馬歸來倒接離正是襄陽無事日

何妨沈醉習家池

落帽龍山枉盛名桓公意氣劇縱橫當年不受參軍署

老革何緣駕馭卿

出郭訪友人不遇

欲問前邨路微聞遠寺鐘
秋陰明一塔夕照黯千峰
僻徑宜孤往幽人不易逢
山腰茅屋在回望白雲封

短歌

百憂萬感萃一心
停辛佇苦難可任
所思不見託之夢
紫蘭石徑青楓林
楓林葉赤霜氣深
西風中人無古今
山空日落一回首
可憐天地皆秋陰

古劍吟

玉匣緘封久未開
荆緌三尺老塵埃
寒芒不耀神鋒斂
慙愧風胡物色來

戲和友人早春看花詞

十月二十七日

春初合是看花時
生恐尋芳去較遲
行近花叢還一笑
今年花發去年枝

漫興四首

何許雍客陸賈裘
向來羞蹕阮孚囊
平生蹤迹雙芒屨
投老行藏一草堂
鬢有垂絲紛黑白
身如槁木謝青黃
鄰翁招我西邨路
負鼓盤鈴正作場

小庭梅影漸橫斜。瓷盎猶開玉茗花。塵垢雖慙居士服。
風光差類野人家。老思舊事偏能記。貧賸新詩可自誇。
扶杖閒階還一笑。慣看蟻陣聽蜂衙。
第五句亦作老思舊友偏多別
江關詞賦若爲傳。蕭瑟蘭成已暮年。藥裏程功多病日。
酒杯用事早寒天。四分律苦難成佛。九轉功危嬾學仙。
柱史一編常在手。可能燕處竟超然。

等閒散帙坐晴窗。無復豪情倚玉缸。論事舊嘗輕短簿。
稱詩今欲鑄長江。不期張釣三千六。但覲耕鋤四十雙。
晚歲心期誰省識。人間應有鹿門龐。

寄虛谷

萬里遊蹤七尺身曰歸不負故園春湖山正爾須吾輩
江海居然老此人垂白鄉鄰呼馬牧輒紅京國謝車塵
虛谷寓家都門近始歸里年幾七十矣
五千里外遙相憶同是
清時畎畝民

次韻龔穀菴

賈景方

天末相望老病身禁持白髮買青春飽經詰屈崎嶇
路非復英多磊落人開徑不延三島客
有客訪余山中既知其從
島國來採絕不與通景方老矣
豈尚欲以姓名達鷄林國相哉
閉門都忘六街塵谿

山是處如箕，願驅犢何妨號幸民。

除夕雨中作

是日大寒而天氣頗煖

海近陰晴異，春遲氣候偏。分明除夕雨，不類大寒天。響竹仍三市，屠蘇又一年。銅餅梅影好，相對且欣然。

元日用辛巳韻

以下庚寅

淑氣元辰雨微暄，近午天泥塗雖處處膏澤自季季酒。注椒觴煖花開樺燭妍，老翁有佳興延賞草窗前。

霧閣

霧閣依稀第幾重，五銖歸去太怱怱。閒愁海澗難爲水。

舊夢雲疏不可風妨燕聚花簾上下戲魚蓮葉沼西東
斜陽還照經行處認得闌干一角紅

上元喜晴是日立春

天放上元晴晴光遍一城紫霄春誅蕩碧解日澂清豐
樂占農事歡娛驗物情東風如有喜吹入賣花聲

庭際白山茶盛開瑩澈可愛戲號之曰潔客紀
以小詩

山茶如越女妙擅天下白造物孕真素春風不能色持
觴坐欣賞光氣照几席矜乃玉雪姿號爾爲潔客凝冰

此其時明月與之夕自非經歲寒何由見標格

和作

舒佐堯

棠陰

山茶亦凡鷗嘉種貴能白名將玉茗混品與璠花埒
勁葉霜後存圓苞雨餘坼清光出寒綠翛然見高格
可愛不可狎美人而冷客寶珠世所矜未泚脂粉色
自非秉貞素何以耐幽寂合締水仙盟招邀伴吟席

夢中作

春風搖曳楊柳絲春水倒影桃花枝斜陽欲落猶未落
刻意戀春春不知繡檀迴夢愁如水力輒遊絲飛不起

樓西凭煖曲闌干綠黯平蕪一千里

點檢

點檢遊韃一惘然光陰如水事如煙當時燕子曾相識
幾處桃花似去年白日相從宜縱酒青春可買不論錢
尋常飛絮黏難住百尺遊絲合自憐

寒雨漫成

小樓閒聽雨潏潏半臂吳縣欲卸難風信可應無定準
花朝過了卻春寒

春晴出郭書郵肆壁

曳杖春塍取徑微
野田胡蝶趁人飛
一邨柳色宜茶幔
三月風光早葛衣
翠靄將迎山作伴
綠陰久坐客忘歸
柴門未見牛羊下
吹角高城已夕暉

鸚鵡

鄉國渾忘隴樹春
卻同吉了作比鄰
可憐幾日雕籠住
學得人言便罵人

初夏雜詩四首

綠陰如水漾桃笙
一覺藤牀午夢清
斜日半窗人睡起
晚風吹送亂蟬聲

閣閣絲聲占一池
休論鼓吹問官私
黃梅雨足青蘆長
便是羣龍得意時

蕉葛輕衫晚浴餘
蒲葵小扇夜涼初
虛廊燭暗人無語
閒聽兒童倍舊書

月暗來登池上亭
池波倒影兩三星
橋南水影忽明滅
風颭竹梢飛一螢

午日

江上都無競渡舟
閒齋日午試茶甌
綠陰如水雨初歇
忽見一花安石榴

棠陰以江左十五子詩選見貽康熙中宋牧仲
尚書所纂也讀畢書後卽眎棠陰

照眼戈矛武庫開當年玉尺費甄裁通人聲律原餘事
盛世公卿肯愛才往昔長林饒杞梓祇今香草隱蒿萊
如何匠石風流遠併少樵蘇物色來

暑雨感懷

節候炎方異陰陽間氣乘纔看雲似墨已見雨如繩倏
爾日穿漏依然天鬱蒸朝昏凡屢變寒燠亦無憑榕葉
濃相接苔花滑可憎野塘喧吠蛤斗室聚飛蠅竹里思

摩詰茆堂感少陵地偏多下溼人倦易曹騰四顧山嵐
暗頻憂潦水增田家足謠諺豐歉若爲徵

野眺

薄暮郊行好初晴野望賒江光明過雨日氣幻餘霞林
遠峰相接邨貧市不譁將歸值田叟重與話桑麻

雜著四首

託興羲皇以上置身夷惠之間此生自宜高閣後世容
有名山

洛陽年少三策同谷詩人七歌老去一齊拋卻先生於

意云何

無復文成珠玉有時氣識金銀行已粗能知恥對人何
必言貧

幾許文章客慧頻番戎馬軍諮一笑前塵如夢花間小
立移時

老樹

知是何人種年深積古苔盤根秋蟻聚墜葉暮禽來大
廈成無日空山老此材皇天自雨露慎勿感摧頽

述懷六首

書籤藥裹鎖相親慙愧山林久隱淪身作長翁兒冷宦
未妨清福是清貧

及門幸得二三子叩戶嘗貽十萬錢蟬腹不飢良自媿

豬肝爲累幾經年

閉戶養病已數年矣賴門人姚生文駿泊朱壻啟連陶甥爾錕輩歲時問

遣給朝夕之需今秋兒子得海陽學官諸子所貽遂以謝卻雖儒官俸薄不周於用亦惟隨時盡消息之理而已

檢點曾無越橐金一辭書幣一沈吟漳濱不病劉公幹

肩負諸公下士心

比歲外臺行省屢枉書幣率以病辭自惟家食頗年不無蕭窘以事理論

自營鶴料究勝于取給豬肝苟非病不能支又何必屢辭公府之招重爲生徒之累哉

物論由來不易齊懶將憂意學昌黎詮疑一集無聊甚
卻累諸郎作品題

識字無多寫八分管城相對我慙君幾回自滌紅絲研
未願輕汗白練裙

半生閨壚足躋難
晚得匡居意小寬
祇乞天恩憐暮齒
一家花竹共平安

題張家亭子

舊識池亭好來尋石徑斜鶴飢頻啄蘚虺癭尚依花堆
案紛經裘開門見鋤車試繙書士傳得似野人家

浪說

浪說金鼉抃

七月十五日

紛傳玉虎鳴

近有虎跡見於東郊七月十六

日午後空際有聲如鳴吼者

臚言何太妄流俗自相驚

沙渾銷無迹

城東南四十里許江中有積沙數畝地震之明日忽失所在

林風戰有

聲勿談洪範傳人事最分明

荒園

日薄釐垣不冝紅敗荷衰柳各西風秋心一片尋難見

祇在荒園暮色中

大風

有序

八月二十八日午未之交天清無雲忽大風來自東北
其聲甚厲卒須臾卽止不成颼颼也

長空一碧天如洗清晝無端大風起聲宏若殷南山雷
勢急疑翻東海水斯時城野飛黃埃頗疑震盪能爲落
安得洞房綺疏地深邃不識此風何自來我謂封姨力
雖橫狂威猶喜須臾定高嶺從教夏木摧平疇未作秋
禾病妖祥占驗無足言但幸不傷低處田老我慵看五
行志何人眞住四禪天

漫成四首

筋力衰來久文章老未成才無金海集人豈玉谿生林
壑心期在塵埃意氣平千秋終寂寞况復驚時名

衰疾粗能耐清貧不易居老謀堅止酒左計亟收書文
字狂花嫩交遊落葉疏白頭人事倦那復曳長裾

半世慕詩格吾鄉老放翁別裁廷秀上託興杜陵同終

覺風流遠何嘗句律工衡山真實語定復不慙慙

文衡山嘗

語何良俊曰吾少年學詩從陸放翁
入故格調卑弱不似諸君皆唐音也

已禿塗雅筆酣眠夢蝶牀才同靈鞠退心厭嗣宗狂知
足忘憂法安心卻病方敢夸無罣礙差可小徜徉

九月十八夜

南國秋多旱西風夜忽寒
星搖林影亂霜逼葉聲乾
老鶴驚商吹飛鴻倦羽翰
衰年易根觸卽事有餘歎

秋晚登北城

危堞試登臨西風警客心
疏林雙堦影斜日萬峰陰
搖落非朝夕蒼茫自古今
憑闌無限感搔首一長吟

次韻答文芸閣編修

廷式

南極文章半流寓西園翰墨幾儒林
知君能作元和頌老我初聞正始音
扈止歲華須共氣詠梅天地見初心

一
卷之五
三
衰翁不解蘇門嘯未必樵歌響亦沈

元旦用王中韻

辛卯

室借紅鑪暖杯浮碧釀春冰霜留菜甲

除夕購蔬筭之屬備新歲數日

盤餐謂之歷年菜吾越舊俗也

風日遲花辰刺字門前客歌聲市上人

鄰家小兒女妝點及時新